

DISQUISITIONEM,
DE
MEDIIS
RESTAURANDÆ
BARBARIEI,

Venia Ampliss. Facult. Philosoph. in Reg. Academia Aboënsi,

Publico Examini submittunt

SIGFRIDUS PORTHAN

ET


JOHANNES LUNDANUS,

V. D. M.

AUSTRO-FENNO,

Die XXI. Julii, Anni MDCCCLX.

L. H. Q. A. M. S.



**ABOË, Impressit DIRECT. & TYPOGR. Reg. Magn. Duc.
Finland. JACOB MERCKELL.**

Plurimum Reverendo atque Praclarissimo VIRO,

DOMINI NOSTRUM ERICO
WIDENIO,

PASTORI Halicoënsium Meritissimo, Fautori
omni pietate æternum devenerando.

Singularis plane favor est, ac beneficia maxima,
quam non ornare dignati estis, atque iam dudum
vobis pietatem & reverentiam publice testatum red-
animi venerationi neutiquam respondentem. Quare
reponam nihil habens, ut hanc saltim, ejusque in pignus
rena fronte & benigno obtutu accipere dignemini,
incolumes Summus universi Moderator per longam an-
Christi emolumentum, Familiarumque Vestiarum ho-
tergmina felicitate vivatis, vigeatis, floreatis! Ita

PLURIMUM REVERENDORUM

Die XXI Iuli anno MDCCX

J. H. O. A. M. 2

Impensis Directo & Jacobo Regi M. D. C. C. X.
Jacobi JACOB MARKETT. Cutio
JOHANNES

Plurimum Reverendo atque Preclarissimo VIRO,
D: NO G A B R I E L I
S A L I N I O,

Ecclesiarum, quæ DEO in Uskela colliguntur, PA-
STORI Meritissimo, Fautori certissimo, summa
animi veneratione perpetuum suspiciendo,
colendo.

quibus me, Patroni & Fautores Propensissimi, num-
profecto optavi, ut occasio mibi enasceretur debitam
dendi. Ea vero nunc potitus, verborum inopiam sentio,
præter mentem gratissimam, quod redibitioni loco
Vobis factam præsentis dissertationis dedicationem se-
humillimus oro atque obtestor. Servet Vos sospites &
norum seriem, ut in nominis Ejus gloriam, Ecclesiæ
noratissimarum fulerum & gaudium exoptatissimum,
tovere ad cineres usque non defisset

NOMINUM VESTRORUM


PARVITIS OPTIMI
humillimus,
LUNDANUS,

Perquam Reverendo atque Doctissimo VIRO,
D: NO M I C H A E L I
L U N D A N O ,
Sacellano in Uskela Vigilantissimo,
PARENTI OPTIMO
Salutem & annos!

Ocasionem hancce oblatam, ovans jam arripio,
qua meam in Te, Paren Optime, animi pietat-
em publice testari licet. Quomodo autem pro tantiis
beneficiis in me semper collatis, digne Te laudibus
celebrem, non video. Majora enim haec sunt, quam
ut vel cogitatione eadem assequi, minus verbis eu-
merare queam; actu aliquando compensare valere,
supra spes quoque meas est. Tibi, Paren Optime,
& vita principium & sollicitam ut bene vivere
curari debedo, nihilque eorum prætermissum a Te est,
que mibi profutura nosti. Tui ergo etiam, quidquid
hincse fundamentis superstruitur, laboris fructus est.
Vulgare equidem admodum pretium offero, ast accipe
tamen in tesseram æterne venerationis levidense mu-
nus, bujus a me propediem defendendæ dissertationis
pia mente factam dedicationem. Mea perpetuo erunt
ex intimo pectore ad DEUM T. O. M. vota, ut o-
mni Te felicitatis flore beatum quam diutissime ser-
vare, in Ecclesiæ emolumentum, Tuumque & Tuorum
omnium gaudium ac solatium, dignetur. Dum
vixero, nunquam non inveniar

PARENTIS OPTIMI

Filius obedientissimus,
JOHANNES LUNDANUS.



PRÆFATIO.

Bst ea rerum humanarum indeoles, ut nihil immutabile inter mortales æternæ, paucissima equidem diuturnæ, durationis deprehendere liceat. Adeo etiam nota hæc res, ut inter prima discendorum elementa referri solita, ne rudissimi quidem de plebe captum furgiat; Quippe quæ omni ævo innumeris sese cōprobat documentis, nullo existente, cui tantæ vicissitudinis aliqua per vitæ quantumlibet brevis spatiū, vestigia cernere, occasio defuerit. Unde non mirum, quod ubique eadem ista cantilena palatia & casæ pariter resonent, quod docti & indöcti similia crepant. Ut vero de aliis rebus valere quod attulimus effatum, concedi confidimus, ita nec circa litterarum morumque culturam possibilitate gaudere adstruentibus, cordatores speramus inficias ituros. Possibilitate dicimus; hac videlicet sola

A

sola contenti, utpote quorum institutum non est, nec facultas aut judicii acumen suffpetunt, disquirere, num Europam quæ nostra ætate cultioris & politæ, sicut loqui amant, orbis titulo mirifice sibi placet, propediem vel remotius Barbaries aliqua actu ingruet; sive si damnosa in hodierno rerum statu institutisque vigentibus impræsentiarum, reperiatur hujusce mali radix, & maturitatem quandoque spondens semen lateat? Cum vero a summis viris perspicacibusque Criticis tractatam materiam videamus, (cfr. Novell. Litt. Svec. anni 1752. N:o 80. 86. 87. 89. 90. & quæ alibi huc pertinere possunt) arrisit virium exercitatione aliqua publica periculum facere cupientibus, innocentes nostras speculationes, de mediis introducendæ Barbariei conducedentibus, solidiori aliorum censoriæ modeste subjicere. Quæ itaque media atque indicia, in subsequentibus leviter adumbranda, si quis vel omnia vel ex parte, revera extra nostram imaginationem in rebus quoque ipsis reperiri, & adesse jamdum, sibi observare videatur, non invidebimus illi applicationis proprio marte factæ gloriam. E contra & his de meliori omne capto ex animo gratulamur, qui iis quibus gloriari solemus Litterarum & Civilitatis magnis adminiculis atque præsidiis freti, feliciora sibi indies promittunt secula, & de satis firmis contra Barbariem propugnaculis lætantur.

APHO-

APHORISMUS I.

Obtinet nobis latior Barbariei significatus, quam qui illis intelligi videtur, qui controversiam hanc prius tractarunt, & vel non extendunt vocabuli ambitum ultra litterarum ignorantiam, vel saltim, præter hanc si aliud quoque momentum admittant, mentionem tamen ejus non injiciunt. Prout Civilitatis videlicet atque culturæ oppositum innuere Barbariem opinamur, hæ vero denominations præter animæ contemplationes & intellectum variarum rerum utilium cognitione imbutum, mores quoque & vivendiationem, communī acceptione complecti solent, ita & quod iisdem contrariatur, in illorum quibus absolvuntur defectu atque absentia ponendum existimamus. Describitur itaque illa de qua nostræ præsentes meditationes explicandæ sunt Barbaries, ubi sumus ejus gradus adest, per *maximam scientiarum artiumque ignorantiam, cum fœdis moribus conjunctam*. Plus vel minus horum requisitorum, & alii atque alii eorundem gradus, majus minusque etiam Barbariei fastigium constituent.

APHOR. II.

Cum sic ut diximus, parum considerationem ingressi sint quæstionem nostram agitantibus mores, quæque extra Rempublicam Litterariam ad Barbariem media conducere possunt, utrum vel i-

deo in primis minus probabilis oppugnantibus visa fuerit de expectandis olim infelioribus ingenuorum artium fatis conjectura, quod magna pars circumstantiarum fidem hypothesi conciliantium eo ipso omissa sit, ne hoc quidem ad nos pertinere ducimus, quoniam semel circa possibilitatem tantummodo versari velle polliciti sumus; ast non possumus tamē, quin iis quibus longius progredi volupe est, & hoc perpendendum commendemus. Num autem ad rem momenti aliquid afferat vel non, series dicendorum patefaciet.

APHOR. III.

PRout inde ab amissa semel Divina imagine lapsus que primorum parentum, unquam mundus aliud quam mundus, aut homines quam homines alii non extitere, id est corruptus semper fuit terræ incolarum status, ac discrepans vita a rationis dictamine & Summi Creatoris mandatis, ita nec id facile negari potest, indicia, quæ Barbarie esse dicimus, omnia vel omnia vel ex parte adfuisse. Cum itaque illud firmo nitatur fundamento, quod aliud atque aliud temporis intervallum minus magisve hisce incommodis pressum atque obnoxium fuerit, diversa secula diversos gradus mali experta, sponte forsitan utrinque conceditur. Applicatione ad nostram ætatem facta, ad institutum nostrum sufficere judicamus, si non repugnantibus aliis adstruere licet, nostros dies & superare nequitiae fastigio quam-

quamplurima temporis spatia; & a multis forte rursus superari. Quod pro candore suo atque benignitate nobis largiri velle cultos ac politos seculi quod est amatores, blanda spe gaudemus.

APHOR. IV.

Nostro certe ingenio tantum non tribuimus, ut præcise determinare audeamus, cuncta alia, quam quæ nobis probabilia videntur, promovendi Barbariem media impossibilia esse. Fluxum namque & instabile est omne, “assiduus humani generis discursus, & quotidie aliquid in tam magno orbe mutatur.” (Ut bene Séneca, Ep. ad Helv.) alia fata, aliæ vicissitudines aliam atque aliam afferunt rebus indolem, aliam faciem induere cogunt. Quin & stante præsenti ordine multa latere queant, nostros fugientia oculos, quæ vel perspicaciorum sagacitas, vel ætas deteget. Adeo ut si revera aliquando Barbaries culturæ artiumque locum occupare debet, fortassis longe alienam a nostris cogitatis viam ingredi poterit. Denique, ubi etiam nostræ valererent conjecturæ, facile accidet, ut bona pars eorum quæ tanquam utilia huic fini proferimus, minus necessaria evadant, si defetus is suppleatur tanto feliciori reliquorum molimini successu.

APHOR. V.

uent. **S**UBLATA caussa tollitur etiam effectus. Si igitur per Divinam gratiam media fini illi obtinendo idonea cessarent, ingruentem quoque ipsam Barbariem in medio quasi cursu cessare atque sisti posse facile intelligitur. An vero is, quem proxime infelices has tenebras præcedere debere nobis imaginamur, rerum status & is hominum vivendi modus tantum sibi a Clementissimo universi moderatore munus exspectare probabiliter queant, certo haud determinabimus. Pariter neque cum iis nobis esse rem volumus, qui consummationis seculi tempus jamjam adesse credentes, hoc modo, nec illis qui vel crassioris vel subtilioris Chiliasmi principiis imbuti aliter, malo medelam oblatum iri sperant. Inter utrosque equidem de eo convenit, quod prius fera ~~ura~~ sint secula, & summe impia mortalium agendi ratio futura. Ista tamen omnia DEUS solus sibi reservavit, cuius consilia atque sapientiam nostro metiri velle modulo, venerabunda mente religioni ducimus.

APHOR. VI.

VIdemus nonnullis flagrante adhuc controversia, valde displicuisse istam thesin, qua vel eadem ipsa media, quæ ceteroquin promovendæ alicui rei apprime & quam maxime conducere deberent, immutata variis modis negotii indole, inter causas

fas contrarii prorsus effectus locum sibi vindicare affirmantur. Sed quam vellemus, hoc non iniquo animo ferre homines! Nec dubio locus est, quin a partium studio alienis sine difficultate approbatur. Cum in morali etiam Philosophia introducendi regulam: Summum jus, summa injuria, necessitas frequenter exorta sit, in quæstione circa conjecturas de futuro eventu minus adhuc excitare admirationem tale quid, fas esse credimus. Experientia id abunde nullo tempore loquitur. Quid est etenim, quod non variant circumstantiæ, & ubinam illa Lex, quæ subinde prave sollertibus non evadat scelerum instrumentum? Sanctissimam etiam Christi religionem hoc pati a nostra perversitate, quem sane fugit? At vero quando hinc ad leviora nos convertimus, num quid aliud erimus deprehensuri? Idem gladii & licitæ inservit defensioni, & injusti adminiculum evadit homicidii. Sic in reliquis. Formidandi olim Romanorum imperii magnitudinem civilia dissidia inter primarias caussas produxisse atque formasse, incrementorum annales ostendunt; sed & eadem evertisse, exitii historiæ & vergentis ad ruinam vastæ molis descriptiones. Haud ita pridem luculenter demonstravit Rousseau damnum, quod morum integritati Litterarum culturam attulisse, Populorum fatis edocemur; minime probandus is quidem fatendum, cum illis quas hinc molitur consequentiis. Innumera alia exempla quotidie occurunt.

APHOR.

APHOR. VII.

Declaravimus jam Aphorismo IV, nos præcise neutiquam determinare velle, omnia alia, quam quæ a nobis afferuntur, Barbariem introducendi media incongrua esse, utpote si magnæ rerum indoli mutations acciderent, nec id quidem pro certo venditare audere, quod stante etiam præsenti ordine, huc facientia multa latere amplius nequeant. Hoc, priusquam ipsa ad media devolvamur, adhuc repetimus, ne cui scrupulum moveat, quod cuncta per totam opellam, tanquam ex illo tantum & non alio statu, quam qui nunc eorundem revera existit, ad alium atque alium corruptionis gradum dilabentia considerentur. Altera qua magnam valde partem seculorum proxime Barbariem antecedentium circumstantiæ, circa pristinum ejus dominium comparatae erant, aliter circa alteram, quam sibi meditari supponimus, regnandi periodum, esse debere cernimus. Generibus tamen regulis, quæ eadem permanente hominum natura, aliæ esse non possunt, utrumque tempus convenit, ideoque subinde magno sunt ad miniculo, quæ ex prisci ævi actis desumuntur illustrationes. Quoad mores, dubium fere est, an magis dissimiles creaturæ rationis usu præditæ & indigni hominum generi extiterint iis, qui sub Imperatoribus Ethnicis apud Romanos viguere. Omnis enim pene ordinis, finis & modi nescia erat licentia. Pandebat viam religio. Publicam illam

39

Iam nimirum adeo obscenis de Diis dogmatibus certatim Poëtæ & Pontifices deformarunt, ut vel paullulum honestatis amanti nauseæ an horroris plus excitare valeat, difficile dictu sit. Fœdissimis vitiis non ansam per accidens præbebat, sed toto pene systemate ad ea promovenda redacta & conformata videbatur. Adjecere cumulum malis Apotheoses, Deos Divosque unius & alterius sexus colendos proponentes, quorum vitam non libris, non traditionibus antiquis, meliorem interpretationem suspicione corruptionis ab originaria puritate non aspernantibus, sed recenti memoria & oculatis testibus, flagitiis solum memorabilem fuisse constabat. Et tantam tamen molem, indies augendam, sustinere se egregie posse, firma fundamenta superstitione vulgi & proclivis in vitia mortaliū indoles, ostenderunt. Privatiorem religionis conditionem qualem hic apparatus efficere potuerit, facile quilibet perspiciet; maxime vero in iis, quibus ad probanda ista vel credulitatis vel perversitatis sat erat. Ceteris facilis ad atheismum sive alia ingenii humani portenta gradus fuit. Effectus vero utrobique idem, sublato metu extintum jus & fas. Hinc mores. Conversandi modus, spectacula, mutuus hominum in se invicem affectus, quid vestigii habent sanæ mentis? Quid honestatis? Fidei demum & integritatis? Cœnis epulisque, per plures dies durantibus, ut nihil deesse videretur ab omni vivendi fine alienum atque abhorrens, introductus est mos, gravatum ferculis

ferculis ventrem vomitum moventibus ad nova voracitatis certamina rursus aptum reddendi. Matrimoniorum per immodicam diuertitorum licentiam nulla erat certitudo, & hinc promiscua atque indifferens pene coitio; scilicet ne qua in re brutis esset cedendum. Quin potius superare bestias ut possent, Sodomiticis quæ vocant peccatis affatim præstitere. Inter hæc tamen diu & Philosophia erat, & scientiæ colebantur, floruere artes: Ita videlicet, ut sensim aptatis seculi gustui omnibus rebus, & corruptissima illarum conditio evassisset, & harum illæ tantum (prout & cum scientiis fuisset) conservare se, licet magis indies ægre potuissent, quæ plus cæteris lucri afferebant, quæ luxui inservire, quæ maxime palpabilis in negotiis hominum Oeconomicis utilitatis esse observabantur; ultimo necessitate pro solo remansura stimulo, nisi maturassent malum, lentius progredi visum, gradumque citassent violentiores causæ. Ubi cum omnium facilime oculis occurrant barbaricarum gentium incursions, & post has civiles quarum nunquam prorsus expers imperium erat turbæ, eapropter & singularis in his perstringendis scriptorum se fervor ostendit, & præ ceteris vulgares extitere istæ quærelæ. Videtur autem vel ideo etiam maxime opportune de Cœlo missa esse religio Christiana, quod horrendæ hujus Barbariei cursum aliquanto stiterit. Fecit id paullatim, & quidem congrue omnino, morum in primis emendationi se applicando; quo nimirum radicem

dicem ipsam pestilentis morbi & firmissimum restituendæ sanitatis impedimentum aggressa esse, censi oportet. Ut enim observavimus modo, religio mores, & dominantis Philosophia faciem informaverant, tametsi neutquam ita distinctis intervallis, ut summe reciprocus omnium in se invicem, atque eodem tempore non fuerit effectus. Saniori itaque de DEO introducta doctrina, sanior itidem morum Philosophia & de mundi origine spiritibusque sententia, omnes denique hinc vel per consequentiam fluentes, vel illustrationem mutuantes suo ordine disciplinæ, certissimus esse debuere effectus. Quod nihilominus nec tanta consecuta sit reformatio, quantæ præstandæ ipsius rei indoles per se idonea fuisset, nec tam diuturnus melior is rerum status, aliae rationes fecere. Et enim haud leviter jam Constantini tempore, ad quem visibilior mutatio refertur, deflexerant a Sanctissimi Salvatoris præceptis Christianorum instituta, accedente rerum prosperitate imposterum adhuc magis corrumpenda, & altiores egerat licentia radices, quam quæ ad originariam Romanorum simplicitatem & debinc ad Christianæ religionis innocentiam amplius redigi posset. Incipit proinde brevi versus pristinam depravationem rui tota compages. Religio, Philosophia, mores, modo una modo altera caussa præcipuas tenente partes, tandem socii ad optatum fastigium sub Paparum auspiciis atque protectione Barbariem perducunt, sic feliciter constituti regni sceptræ, mutato consilio,

lio, ignorantiae & superstitioni dantes, quæ priori vice, sub Imperatoribus Romæ gentilibus, apertæ morum licentiaæ destinata fuerant. Fœda & turpis vivendi ratio introducitur, scientiæ & ingenuæ artes emoriuntur.

APHOR. VIII.

CUR sic in tradenda Barbarie Historia Romani potissimum imperii fata consideraverimus, ea ratio est, quod maxima populorum pars, quæ antiquitus aliquanto cultiores cæteris erant, vel sub Romanorum dominio, seculari primum deinceps sacro, fuerint, adeoque eadem plerumque instituta secuti sint, vel hisce Barbarorum nomen, saltem quoad litterarum culturam, nunquam rite exuisse visi, minus proinde ad magnas illas orbis mutaciones momenti attulisse vulgo putentur. Quum autem ex paucis quæ dicta sunt facile appareat, quam reciprocus fuerit religionis, Philosophiæ ac morum in se invicem effectus, & quam pulcre hæc tria, postquam semel certatim a suo cujusque genuino fine deflectere ac integritatem originariam amittere coeperant, ad promovendam Barbariem conspiraverint, operæ prætium esse opinamur expendere, cuinam omnium potiores tribue-re partes, maxime e re nostra, & præsenti rerum statui conveniens ducendum sit. Ubi quo diutius negotium animo revolvimus, eo magis in morum favorem non possumus non determinari. Tametsi enim

enim videatur initio paulo inversus is ordo, maturius tamen humanam naturam examinantibus apparebit, ideo tamen huic inimicum non esse. Minimus scilicet eorum reperitur numerus, qui ex consulo & deliberatione prævia res suas agunt. Tum circa religionem, tum circa quasvis in genere deliberationes alias, subinde haud levia contra sophismata & errores impedimenta suggerunt sana ratio & conscientia, quarum decisioni, quamdiu in sola de vero & falso speculatione intellectus versatur, magna vis est, eaque tanta prorsus, ut etiam in morali de agendo vel omittendo disquisitione, & aliis præscribere valeamus regulas, & nos ipsos eadem teneri obligatione, extra tentationis atque ad præsentem rem applicationis momentum, facile largiamur. Ast quando ad ipsam praxin deventum, tum demum rectam ingredi viam, hoc opus hic labor est. In mores igitur pronæ in mala voluntatis maximum imperium esse intelligitur, & quotidiana quemlibet satis superque sua ipsius docebunt acta. Ut nimirum ex corruptis moribus, cum totius hominum generis majori parti probantur, etiam bonis saltim aliquid ne adhæreat, difficillimum omnino est, malis vero eo minus imminet risui se exponendi periculum, quin dulcis applausus reportandi spes enascatur, ita & his pro fundamento constitutis, omnium facillime porta aperiri potest, pestilentissimis quibus cunque & misere cohærentibus fœcundæ imaginationis portentis in morum Doctrinam atque o-

mnem in genere Philosophiam ingerendis: Cætras vero scientias vel in luxuriæ solum ac vitiorum instrumenta transformandi, vel penitus tricarum & vanarum subtilitatum titulos e cиро Philosophiæ proscribendi commode ansa datur. Porro Divinam etiam vindictam ad puniendos Barbarie ac eandem comitantibus gravissimis magno numero turbis & malis homines, universalis in seculo plurimis scientiis disciplinisque utilibus florenti morum deformatio eo magis provocare potest, quo minus ignorantiae aut erroris excusatio nulla locum invenit. Hoc vero nos serio sollicitos efficeret debet, ne ipsis nos tantis, quibus per Litterarum culturam fruimur, commodis privemus, ad superbiam tantum & fastum, posthabita infiniti DEI favoris recordatione, iisdem usi.

APHOR. IX.

PLures adsunt rationes, quæ nobis svadent te-nebras (si nimirum futuræ sunt) nostra tempora subsequentes, a moribus facere debere initium. Quoniam vero circa ideam Barbariei quæ vulgo obtinet, ignorantiae præcipius habetur respectus, visum est primo eam datæ supra (Aph. I.) definitionis partem sub examen revocare, quæ cognitionem spectat. Theologiam præmittamus. Hæc equidem, dum præsens viget rerum status, haud facile videtur immediate per superstitionem corrumpi posse, cuius vel sola appellatio majori in odio

odio est nostri temporis hominibus, quam ullum fere aliud. Est autem præter hanc alia adhuc via residua, eademque priori e diametro opposita, quam ingredi velle plurimos nostra ætate religionis hostes conqueruntur. Si igitur posthac talis futura esset depravatio, non magno negotio perspicitur, qualis jam oriretur Theologiæ facies. Posito semel pro fundamento, quod superare capitum mortalium & contrariari rationis sanæ principiis idem sit, hoc enim deamatum id est plus minusve seculi dogma, ad normam Philosophiæ religionis mysteria sensim revocarentur. Scripturæ Sacræ præceptis, quæ credenda & agenda adeo expresse determinant, ut nulla libertas dijudicandi an ita sit vel non, & rarissime explicandi sensum verborum aliud fundamentum quam contextus & collatio locorum, intellectui relinquatur, dignitate sua privatis, idem enasceretur Ecclesiæ status, qui Civilis Societatis foret, si Legibus sublati universalis tantum illa inculcaretur obligatio, se ad Juris Naturæ decreta conformandi. Prout enim hæc equidem alicubi extra controversiam sunt, multis autem in rebus litibus atque dubiis innumeris obnoxia, præterquam quod plurima etiam Positivo tantum mandato Civilia instituta nitanuntur, quæ frustra, vel totam per vitam ratiocinando, a priori assequi cupies, ita etiam, pari obtinente Revelatae & Naturalis Theologiæ discrimine ac Legum Civilium & Juris Naturæ, æque insufficiens est Naturalis Theologia ad salutem conse-

consequendam, quin imo magis adhuc, quam esse intelligimus Jus Naturæ ad tranquillitatem Societatis Civilis formandam; maxime quod pro diverso captu & alio atque alio apud diversos gustu, majori item & minori voluntatis perversitate, facile in toto cœlo distantia hominum etiam Systemata non ire nequeant. Neque juvabit adversarios, controversias omni tempore inter Theologos agitatas objicere, quasi ostendant hæ, nihil magis incertitudinis rationi relictam quam Scripturæ Sacræ effatis subjectam Theologiam habituram; illas enim Jurisconsultorum rursus dissensibus comparamus, qui prout in Civitate bene constituta plus hominum pravitati origines debent, quam Legum defectui vel obscuritati, sic cum Theologorum pariter rixis comparatum est. Nihil magis probabunt Naturalem Theologiam carere posse Revelata, quam Legum Civilium necessitatem Jure Naturæ tolli. Quam facilis igitur ad horrenda quævis monstra futura via esset, quantaque Theologiæ, quanta consequenter morum depravatio, admissis quæ diligunt Religionis impugnatores principiis, citra negotium perspicitur. Ut hæc secta aliquando recte sentientibus prævaleat, & potiatur regimine rerum, cum plurimi probabile ducant, multi extra dubium collocent, nobis possibile esse dissentibus non speramus obicem ponи.

APHOR. X.

JUvaret apprime adversariorum res, si Theologi nostri,

nostrī, religionem a calumniis cycophantarum purgaturi, nimis sollicite ex Philosophia Verbo Divino præsidium quærere allaborarent, & unioni rationis cum revelatione plus studii quam par est tribuentes, magis magisque in id principium quod verbis impugnare conantur, re tamen ipsa, quasi tacita conventione incidere inciperent, ita ut Theologia sensim in Philosophiam transformaretur, Mathematica methodo & variae eruditionis apparatu, quin imo forsan olim etiam Algebraicis (quam divinam scientiam esse, fide digni testes narrant) calculis exornanda. Conciones porro & homilias in declamationes ad omnem Rhetorum pompam conformatas mutare, egregio esset auxilio. Ubi cum parum aptam subministret materiam Sanctissimi Redemptoris mentio, utpote cuius singula effata & acta simplicitatem, innocentiam atque humilitatem præ cæteris commendent, ad Ethica tantum præcepta & Philosophiæ delicias recursus erit habendus; Quo ipso Scripturæ etiam dictis oratorii substitui possent flosculi, omnisque in genere morum castigatio & ad pietatem admonitio ad gratas auribus sermonum veneras tota redigi. Hisce cunctis simul sumtis, citra superstitionis opem depravari posse Theologiam putamus, omnibusque luxuriantis ingenii commentis ad quamcunque velis fœditatis gradum deformari.

APHOR. XI.

Hujusmodi Theologia cum ad Philosophiam na-

C

tales

tales referat, qualis equidem hæc esse debet, sponte fluit. Sublata nimis Scripturæ Sacræ auctoritate, cuius effatis tanquam Lydio lapide ultima in scientiis cognitionis humanæ principia rite probantur, in ea quæ oriretur sentiendi non libertate, hæc enim semper esse debet, sed licentia, quilibet suum sibi credendorum agendorumque Systema formaret, & quo quis meliori præditus esset imaginatione, eo ingeniosiores excogitaret hypotheses, eo etiam longius ex iis omnia per totum universum occurrentia explicando progrederetur. Hinc sua cuique non solum Theologia, quæ videlicet non aliud quam Naturalis illa esse posset, sed & sua Morum Philosophia, eademque perraro forsan optimæ. Logices & Metaphysicses adeo exosa sunt nostro ævo nomina, ut permultum vereamur, ne omnium qui gustu, sicut loquuntur, se gaudere persvasi sunt, persecutionem in nos excitemus hac mentione injecta. Quicquid sit, audemus tamen asserere, quod si nihil boni atque utilis dictæ scientiæ hominum generi præstarent, permultum tamen mali facere queant, si de rebus circa quas versantur, perversis & falsis opinionibus homines imbuantur; Hoc saltem nostro instituto sufficit. Generales de corporibus & materiæ indole notiones, sive jam ad Physicses præliminaria ista referri cupias, sive Metaphysicses subjici dominio, ne illas quidem multum sibi puritatis polliceri posse videmus. Spirituum Doctrinam Revelationis ope destitutam a materialismo a-
 liisque

Hiisque fôrdibus diu se immunem conservaturam, vix ac ne vix quidem credimus. Sic & in cæteris. Ubique id quod non efficit Revelationis, & superne datæ de iis quæ ratio sibi relîcta assequi nequit cognitionis defectus, id proclivis in malâ hominum natura, dum limitatæ manent animæ facultates, haud ægre præstet. Quibus ex caussis vel uno semel producto errore, fundamentali in primis, quid quæsto impedimenti restat, quin hinc plures existant?

APHOR. XII.

Mores seculi, quos versus Barbariem citato eur su ferri supponimus, inexhaustum præjudiciorum fontem, & fœcundum pestiferarum sententiarum proventum dabunt, sicut supra (Aph. VIII.) innuimus, & reliquis caussis grave momentum adiicient; in primis vero accidente florido & argutiis mixto dicendi genere, quod voluntatis, in talibus delicias quærerentis, ope favorem excitat, & ad assensum præbendum allicit. Illæ autem scientiæ, quæ cum antea dictis affinitatem non habent, ut sunt Mathesis, Physica, Oeconomia, Historia Naturalis, & quæ alia sunt præsenti ævo quam unquam antea plus cultæ, diutissime se contra Barbariem tuebuntur, idque partim quod promptum sui cultoribus lucrum afferre possint, partim quod luxus iisdem carere nequeat. Ita tamen, ut si luxum istum atque morum licentiam indies-

crescentes ultimo denique ad optatum Barbarieⁱ
fastigium pervenire Divina Providentia finat, ho-
mines laboris atque industria^e magis magisque
pertae^deat, & voluptatibus tantum deditos ex
scientiis in disciplinas, ex disciplinis in artes eas-
dem mutare incipere deprehendas. Unde eas tan-
tum partes, quæ maxime indivulsum & palpabi-
lem cum praxi & vitæ commodis nexum habent,
remansuras intelligitur, & quidem difficiliori ^a
priori methodo posthabita, usu tantummodo &
habitu addiscendas fore. Theoretico studio sic
sublato, ad ultimum in opificia degenerabunt.

APHOR. XIII.

AD talē vero nauseam circa Theoriam scien-
tiarum quarumcunque excitandam, apprime
etiam conduceet, si dum jucundis tantum & inge-
niosis homines delectantur, qui severiorum disci-
plinarum in se defensionēm suscipiunt easque ex-
colunt, nimis spinosam & jejunam res tractandi
rationem vel ex Scholasticorum latebris rursum
protrahere, vel ipsi sibi alio modo effingere alla-
borent. Sunt qui hoc referri debere opinentur
Wolfianæ Philosophiæ sectatores, methodi mathe-
maticæ extra mathesin studiosos quoslibet, & plu-
rimos demum hucusque earum quas Aphorismo
XI. nominavimus scientiarum scriptores. Nos,
modo res ipsa noxia esse concedatur, quomodo &
quibus usitata sit, jam non curabimus. Est certe
supra

supra modum subtilis methodi, præterquam quod odiosum Pedantismi nomen & contemptum viris ceteroquin eruditissimis, ac simul ipsis disciplinis contrahat, id etiam vitium, quod vel iis quibus probatur, loco majoris lucis tenebras tantum & errores producat, intellectum ita distinctionibus obruendo, ut dijudicandi facultas plena se vi exsere-re nequeat: Rixis proinde & contentionibus alen-dis auxiliatur. Reperiuntur quoque, qui tuto dici posse potent quasdam scientias, ut e. gr. Philosophiam Moralem, Metaphysicam, Logicam, ad maiorem quam qua gaudent perfectionem perducunt amplius unquam non posse, sed terminos tantum & Systemata innumeris modis aliter atque aliter immutari & disponi. Scilicet nihil deesse contendunt, nisi ut tandem viri docti ipsi regularum quas aliis tradunt ad praxin applicationem propriis exemplis ostendere inciant.

APHOR. XIV.

PRæter Mathematica & Oeconomica, illas etiam Disciplinas diu ingruentis Barbariei vim susti-nere valere, verisimile est, quas Elegantiorum cognomine salutamus, Belles Lettres Gallis & Gallica affectantibus dictas, ut sunt Historia, Oratoria, Poësis. Has scilicet curiosis & luxu efficien-tatis, sicut futuros Hypothesis nostras requirit, hominibus arridere atque voluptatem creare obser-vamus. Imo etiam præ cæteris omnibus cordi es-

se incipient, atque maximum cultorum numerum
sibi vindicare. Ita autem hoc acceptum volumus,
ut illico neutquam statuatur Historiæ, Oratoriæ &
Poëseos, quas semper summi fecimus, seruem
sum non esse, sed de talibus iis tantummodo lo-
quimur, quales eas corrupti mores formabunt.
Historiam non Polybii, Taciti, Thuani, Pufen-
dorffii tractabunt, nec operosa de veritate facto-
rum cura erit, sed occupabunt thronum Voltairii,
d' Alambertii & qui sunt infinito numero nostris
temporibus his similes, inter Gallos in primis, Pseu-
dohistorici alii, ingeniosis commentis & florido
stylo credulitati lectorum imponentes, vel etiam
religioni & morum doctrinæ inimica inferentes.
In primis vero insigniter fidei Historicæ deroget ea
methodus, qua nunquam scriptorum testimonia
afferre moris est, sed recentioris auctoris verbis
veritatem rei metiri necessarium evadit. Idque eo
magis, quod hocce permultis jamdum, summe cete-
roquin de Historia meritis viris, etiam dum pro-
lixiora systemata congerunt, usu venerit. Heic
tamen nimias quorundam citationes, quibus unius
sæpe phraseos aut alias notissimæ vel nullius mo-
menti rei ergo integras paginas implere solent,
minime laudamus. Eloquentia non mascula &
gravis pretio erit, sed molle & svavius dicendi
genus, quale primus apud Athenienses introduxisse
Pericles dicitur; idque virtutis fovendis quam ad
virtutis amorem commendandum magis sollicite
aptabitur. Quod soluto sermone proferre honestas
vetaret,

vetaret, id versibus comprehensum & certa syllabarum dispositione ornatum, ad summum impudentiae fastigium pervenienti privilegio potiri videbimus, eo callidiori consilio, quod hoc modo diutius memoriae inhærere queat, atque in conversationibus ad quævis obscena eleganter dicenda conducat: Quæ vero sine pudore nominari possunt, quid ista factu efficiet turpia? Nostris jam diebus eo per ventum esse sunt qui querantur, ut nulla fere poëmata elegantium & ingeniosorum titulum sperare queant, nisi Ovidianas Amandi Artes & Amorum Libros impudentia vincant, vel saltem imitentur; tum demum digna reputanda, quæ sollenni censura munita prelo subjiciantur, & publico applausu honorentur. Pertinent huc quoque Satyræ & Fabulæ Romanenses, quibus utrum ad virtutem admonitionis, an vero ad vitia illecebrarum plus insit, adhuc equidem non deflagravit controversia; sed utra tamen vetitati proprius sententia accedat, quotidie obvia exempla dubitare vetant.

APHOR. XV.

POst Litteras considerandæ veniunt Artes, quarum interitus ultimum occupabit locum. Ubique vero illis qui plane necessarii per omnem vitam sunt artificibus, sartoribus, futoribus & id genus aliis, vix equidem unquam privandos fore homines credimus, utpote qui eo usque progredi nolu-

nolumus, ut possibile statuamus, nudos inceſturos, aut Patagonum prorsus mores qui nunc cultiores populi audiunt, olim imitatuos esse, sed loquimur hic in primis de iis artibus, quæ decoro & ornatiui inferviunt. Atque has quoque opinamur sero demum extinctum iri, quin & magnam earum partem per longum temporis spatium in ipsa Barbarie spiritus quasi trahere posse concedamus, cum luxuriæ instrumenta sint, cui per se Barbaries non adversatur, licet modum tantum subtiliorrem & usus delicatores crassiori forma induat; Sed tangeret tamen paullatim ordo suo aliquando tempore singulas, si quem nunc describimus rerum cursus, diutius subsisteret. Per multæ autem eorum, quæ primum artium nomine venere, nostra ætate ita excultæ sunt, atque ad egregiæ perfectionis gradum perductæ, ut sensim in scientiarum jam numerum referri incipient, quum non leviter versatus in vario scientiarum genere ac insuper natura magno ingenio & excellentibus animi dotibus prædictus esse debeat, qui in iisdem distingvendos a vulgari usu progressus facere cupit. Approximantis Barbariei signum erit, si hæ rursus gradatim ad pristinam opificiorum formam neglecta theoria redigi obseruentur. Ceterum quod ea qua nunc gaudent dignitate excidentes, & artificum turbæ relictæ, in ipsa quoque Barbarie, saltem ad tempus, existere artes ut modo diximus possent, satis demonstrant Turcarum & Persarum exempla, quos inter fabricas quasdam ita altas o-
ulorū lim

lim egisse radices videmus, ut post tantas vicissitudines, quibus per plurima secula subjectæ istæ regiones fuerunt, inde ab antiquissimis retro temporibus hucusque se conservare potuerint, ut hodieque Europeis subinde præstent.

APHOR. XVI.

Observandum autem probe, nos dum sic de incrementis & decrementis scientiarum artiumque, & diversis diverso tempore culturæ earundem gradibus agimus, ex pluralitate tantummodo rem æstimare, & pro gusto hujus vel illius seculi non venditare id, quod omnibus qui tum vivunt hominibus placet, cum ejusmodi conformitas nunquam forte adhuc existenterit, sed hoc quod plurimis & maximæ parti arridet atque in usu est, pro dominante sententia & moribus venditamus. Vidimus etiam subinde ex uno alterove excellenti ingenio, non solum conclusiones fieri ad reliquos, qui illi coætanei sunt, sed varium quoque variis temporibus eruditionis & artium fastigium ista ratione determinari, unde non potest non existere, quod aliquoties insigniter hallucinemur. In crassa namque Barbarie raræ animi dotes miracula fere præstare possunt, quæ subsequenti ævo, licet theoria multis aucta sit accessionibus, frustra quis peteret ab iis, qui utut majores in scientiis fecerint progressus, circa applicationem tamen antiquiore aliquo multum inferiores sunt. Hinc est, quod licet Apelles, Archimedes & Hippocrates omnes nostri

D temp-

temporis pictores, mechanicos & medicos superare probarentur, atque huc illucque prisci ævi monumentum quoddam reperiretur, cui par præstare nequeant, qui nostro tempore magnum nomen nacti sunt artifices, ex hoc solo fundamento minus tute colligeretur pictoriam vel aliam quamcunque artem, mechanicam & medicinam antiquitus magis ac hodie excutas fuisse, multumque adhuc restaurare, priusquam pristinum perfectionis gradum attingant. Sic pariter indies multis utilibus inventis & Pura & Mixta Mathesis imposterum augeri possunt, & tamen integra esse secula, quæ Polhemii illis comparandas machinas ostentare nequeant.

APHOR. XVII.

Ipsis scientiis atque interiori constitutione & quæ illuc pertinent expositis, exteriorem jam rerum statum considerabimus. Theologiæ, quam cæteris supra præmissimus, hic quoque primo loco concessò, cum ad vitam hominum emendandam omnis ejusdem apparatus tendere debeat, intellectum informatione & voluntatem conscientiæ vi stringendo atque flectendo, huicque fini apprime conducat ita dicta Disciplina Ecclesiastica, sive ordo aliquis præscriptus & legum auctoritate munitus circa res sacras, neminem fugit, ex illo equidem ordine recte observato vel posthabito facile dijucari posse, in quanto verbum DEI & religio prætio sint, quantumque exinde utilitatis hominibus redundet. Seculo autem Barbariei propinquo,

ubi

ubi Revelatio & Evangelium contemtui erunt, atque crassæ ignorantiae & superstitionis titulo denotabuntur, quantum externis cærimoniis honoris tribuatur, per se clarum; quibus nimirum omnes impune & impudenter insultabunt, atque eo usque procedet malum, ut cui ad impugnandam beatificam doctrinam satis perversitatis & audaciæ non est, immo qui in conscientia de veritate ejus perswasus ac certus, illum tamen aperte JEsum profiteri pudeat. Valebit hoc non modo circa actus, qui magis necessarium & inseparabilem cum religione nexus habent, sed & cæteros quoscunque magis vel minus cum his cognatos. Si quis opus aliquid pietatis faciat, anxie sollicitus erit, ne id tam videatur ex venerabunda adversus DEUM mente profluxisse, quam ut bonum civem se probaret, seu, ut ipsa curiali lingua loquar, par honnêteté. De iis quæ frequentissime in vita communi occurrunt, exempli ergo vel unum illum addimus morem, ipsius Salvatoris usu probatum, ante & post cibum sumtum præcibus & gratiarum actione DEum colendi, quem jam nostro ævo vel abolitum apud distinctioris conditionis plurimos multi credunt, vel tam superbis gestibus fieri debere, quasi dicere vellent; Heus Domine! En hic hominem, cui parem posthac producere frustra profecto conaberis, eumque licet parum equidem a te dependentem, attamen ita civilem & politum, ut hanc tibi homagii speciem præstare haud gravetur.

APHOR. XVIII.

Circa defendendam ab adversariorum insultibus Religionem, apud omnes Christianorum seetas id singulare videbitur, quod inter se semper infensissimi inimici maneant, communes vero hostes minori persequantur zelo. Consistoria Protestantium eos, qui Papismo favent, vel alias in certo quodam articulo, subinde minus fundamentali deflectunt, acerrima censura notabunt, atque in Hæreticorum numerum referent. Romano-Catholici vicissim quolibet Protestantium placita vel minime redolens furioso impetu adorinentur, ac Bullarum, Decretorum, Statutorum, Anathematum fulminibus ad ima gehennæ detrudent. Neutri pari vehementia in Naturalistas, Atheos, Deistas, Materialistas aliosque id farraginis, ipsa fundamenta vel Christianæ vel omnis in genere religionis impugnantes, omneque jus & fas tollentes, ferentur. Sacrum Inquisitionis Officium apud Hispanos & Lusitanos non raro Judæos, Maranos, Lutheranos, Calvinistas, cæterosque a Paparum dictaminibus jure sive injuria dissentientes quosvis, ad rogum vel patibulum damnat; Atheum vero aliquem simile passum unquam in Novellis nos legisse non recordamur. Dicimus autem hæc neutquam ea opinione, quasi illam controversiam nostram faciamus, an utilis & commendanda sit methodus, capitalibus vel aliis gravioribus corporis pœnis coërcendi hostes Religionis, secundum illud: *Hæreticus vincitur verbis, Fanaticus herbis, Atheus*

Atheus non nisi verberibus, sed id certe extra dubium ponimus, quod si adhibenda sint ista media, magis contra hosce quam Christianos iis uti conveniat. Neque Consistoriis & Tribunalibus, sive Papistarum sive Protestantium, si etiam pro affirmativa parte in dicta controversia decernendum sit, procedendi modum eorum vitio vertere-mus, cum satis sciamus, ejusmodi de quo nobis sermo jam est seculo, ita invalere debere religio-nis Christianæ contemtum, in primis apud optimates cuiusque regni & reipublicæ, ut frustraneus foret aliter agendi conatus; maxime apud Prote-stantes, ubi admodum modicus jam etiam est Ec-clesiastici Ordinis honos, Catholico Clero magnam partem pristinæ potestatis strenue adhuc defen-dente. Describimus hujusmodi rerum statum tan-tummodo hypothetice, sicut unum signorum, quæ Barbariem præcedere probabile est. In genere quoque observatu dignum, quod sæpiissime ii, qui ipsi fortium spirituum, ut loqui solemus, titulum sibi arrogandi atque blasphemia proferendi satis impudentiæ non habent, sed intime de veritate Evangelii persvasi sunt, tamen hosce, contemtus loco, honoris & venerationis immo invidiæ qua-dam specie prosequantur, vel tanquam qui supra reliquum mortaliū genus præstare aliquid queant admirentrur. Subinde etiam magnæ eruditionis vi-ri, puerilia plane illorum Systemata refutatione di-gna reputantes, & ex adversariorum viribus victo-riæ suæ gloriam æstimandam rati, plus solidi ar-

gumentis eorum, quam revera continent, inesse, non solum auctoribus ipsis, quos initio pruritus tantum disputandi in arenam protraxerat, sed & aliis persuadebunt, cum talia tamen saniorum risu vel commiseratione magis indigeant, quam bilem movere apta sint.

APHOR. XIX.

IN universum de tota Republica Litteraria valembit observatio, quod sicut discendi & docendi methodus olim nimis difficilis fero admodum, & non nisi gravissimis impedimentis superatis, ingenia ad maturitatem perduxerat, multa quoque forte suppresserat, ita imposterum plus quam par est facilis & superficiaria, parum omnino solidæ eruditio[n]is virorum efformet. Hoc cum de iis qui studiis ex professo ut aimus se consecrant, verum sit, adhuc magis tamen extra dubium positum erit circa illos, quos ad alia quævis vitæ genera destinatos, principiis tamen quibusdam scientiarum imbutos optare, parentes videri volunt. Quoad priores, exoritur hinc illa in plurimis Europæ Academiis, per omnes quas vocant Facultates, honorum & titulorum abusus, grave musarum cultoribus malum. Efficitur enim, si tituli plusquam par est vulgares evadant, ut parum prorsus iisdem honoris tribuatur, sed qui vero ejusmodi aliquo potitus non est, nihilominus eo etiam magis infra vulgum collocandus putetur. Unde juventuti studiosæ comparandi sibi titulos tanto major necessitas, tanto plus

plus consequenter impensarum, quibus olim, modo ceteroquin requisita muneribus obeundis necessaria aderant, facile carere quis potuit, quibusque jam nactus, impedimentum quidem aliquid sustulit, sed nisi alias rerum gerendarum nervis instrutus sit, nihil utilitatis exinde reportabit; si hue non referri velis, quod ipse majores sibi subinde spiritus sumat. Tum quoad hos, tum quoad posterioris generis modo nominatos, commune utробique malum exsurgit, circa administranda munera publica minus maturitatis, constantiae, soliditatis; Et his tamen prærogativis in genere loquendo priora tempora, licet scientiarum non tantum fuerit fastigium ac subsequentibus, magis gavisa fuerant. Saltim in civilibus negotiis, quum hominibus res cum sui similibus omni ætate sit, hinc equidem æquilibrium enascitur; sed & differentia oritur ex majori vel minori industria & labore, quibus superficiarius ille & Cavalericus (vocabulis frequenter utimur Barbaris de Barbarie scribentes) agendi modus inimicatur.

APHOR. XX.

ID igitur incommode immoda discendi facilias producit, quod talibus temporibus adolescens, quoad theoriam & cognitionem pari passu ambulans cum provectionis ætatis antiquitus viro, statim exinde inferat, se etiam æque aptum esse rebus gerendis; quod quam alienum sit a veritate, omnis ævi monumenta demonstrant, & multos adhuc

hoc docet experientia. Quid ergo? Commendamus
 avorum tricas, Donatum & sollennem ferularum
 apparatus? Ne id quidem; modus semper optimus.
 Potuissent & illi his suis institutis in Barbariem
 incidere, quin Barbariei eadem magnam partem
 accepta referant. Loco unius Latinæ Lingvæ
 & quarundam aliarum, quibus antea eruditio fatis
 erat, nunc plurimas cultiorum Europæ nationum
 illas addiscendas, multum difficultatis producere
 observatum. In nominatis supra novellis Litterariis
 Sveciæ controversia excussa est. Nos, uti alibi semper, ita & heic, ejus sententiae non sumus,
 qua omnia instituta, quæ incommoditatibus qui-
 busdam laborant, ideo præcise damnantur, novus-
 que confestim reformandi modus proponitur. Cre-
 dimus tantum, nihil posse excogitari tam firmum
 ac stabile, nihil tam caute ordinari, quo homi-
 num perversitas abuti nequeat; Quod tum ad huc
 usque dicta referendum est, tum ad infra occur-
 rentia. Ex his collatis cum Aphor. XVI. patet,
 quousque ad nostrum institutum pertinere duca-
 mus Verulamii, Casauboni, Grotii aliorumque sum-
 morum virorum exempla, adducta Nov. Litt. Sv.
 cit. N:o 80. Illustrationi forte inserviet etiam,
 quam Aph. XIII. tetigimus eorum nota, qui quas-
 dam scientias ulterioris culturæ atque incremento-
 rum non esse capaces opinantur, quibus, si
 nimicum thesis ipsa firmo nitatur talo, Scaligeri in-
 primis & Salmassii ergo Critica an & in quantum
 adjicienda sit, pariter expendendum commenda-
 mus.